

ԺՈՂՈՎՐԴԱԿԱՆ ԵՐԱԺՇՏՈՒԹՅԱՆԸ ՆՎԻՐՎԱԾ ՊԼԵՆՈՒՄ

Սովետական պրոֆեսիոնալ արվեստի ան-
նախընթաց վերելքը պահանջում է ժողովրդական
արվեստի հազարամյակների խորքից մեզ հա-
սած ժառանգության զեղարվեստական և զեղա-
գիտական օրինաչափությունների, ստեղծագոր-
ծական մեթոդների ու արտահայտչական միջոց-
ների խորապես և նորովի ուսումնասիրությունը:

Սովետական բանագիտության առաջ ծառա-
ցած, գործնական մեծ նշանակություն ունեցող
այս խնդրի այժմեականությունն այնքան ակն-
հայտ է, որ վերջերս ավելի ու ավելի հրատապ
է դառնում բանահյուսության համամիութենա-
կան ինստիտուտի կամ հանրապետական ինս-
տիտուտների ստեղծման անհրաժեշտությունը:
Այժմ արդեն նկատելի են այդ ուղղությամբ կա-
տարվող կազմակերպչական որոշ աշխատանքներ,
որոնք թերևս սկզբնավորում են սովետական բա-
նագիտության զարգացման մի նոր փուլ: Դրա
ապացույցն է ապրիլի 13-17-ը Սովետական
Միության մեջ առաջին անգամ Հայաստանում
անցկացված պլենումը՝ նվիրված ժողովրդական
երաժշտության հարցերին: Պլենումը նախապատ-
րաստվեց և անցկացվեց Հայաստանի կոմպոզի-
տորների միության նախաձեռնությամբ, Կոմի-
տասի անվան կոնսերվատորիայի, ՀՍՍՀ ԳԱ ար-
վեստի, հնագիտության և ազգագրության ինս-
տիտուտների համատեղ ջանքերով:

Պլենումի աշխատանքները սկսվեցին հա-
մերգաշարով, որի նպատակն էր հյուրերին և
մասնակիցներին հնարավորություն տալ թար-
մացնել տպավորությունները և ամբողջական
պատկերացմամբ վերազնահատել հայ ժողովրդ-
րդական երաժշտության արդի վիճակը, ժողովրդ-
րդականի հիման վրա ստեղծված ու զարգացած
սովետահայ պրոֆեսիոնալ երաժշտական արվես-
տը, ժողովրդական և պրոֆեսիոնալ արվեստի
փոխադարձ կապերը:

Շարքի առաջին համերգը նվիրված էր հայ-
կական ժողովրդական երգային, գործիքային ու
պարային արվեստի ազգագրական նմուշների
ցուցադրմանը, երկրորդը՝ ժողովրդա-պրոֆեսիո-
նալ արվեստի՝ հայ աշուղական և գուսանական
երգերին: Ապա հաջորդեցին համերգներ՝ նվիր-
ված հայ ժողովրդական երաժշտության կամերա-
յին վոկալ կամ գործիքային, երգչախմբային,
էստրադային և սիմֆոնիկ մշակումներին:

Պլենումի աշխատանքի երկրորդ մասը

կազմեցին բանագիտության հարցերով զբաղվող
հայ երաժշտագետների զեկուցումները:

«Հայկական սովետական երաժշտական բա-
նագիտության վիճակը և զարգացման մոտակա
խնդիրները» զեկուցումով հանդես եկավ ար-
վեստաբանության թեկնածու, ՀՍՍՀ արվեստի
վաստակավոր գործիչ Ռ. Աբալյանը: Զեկուցողը
քննարկելով այս ապարեզի նվաճումներն ու
չլուծված հարցերը, հայ երաժշտական բանագի-
տությունը համարեց հայագիտության արմատա-
կան, բայց ետ մնացող ճյուղերից մեկը: Նա նշեց
սովետահայ երաժշտական բանագիտության մի
շարք բանասիրական (պատմական տեղեկու-
թյունների հավաքում, բարբառային առանձնա-
հատկությունների որոնում և այլն), տեսական.
զեղագիտության, ազգային առանձնահատկու-
թյունների որոնում, սոցիոլոգիական և այլն) և
գործնական-կազմակերպչական խնդիրները:

«Ժողովրդական երաժշտության հավաքումը»
թեմայով զեկուցեց արվեստաբանության դոկտոր,
ՀՍՍՀ արվեստի վաստակավոր գործիչ Մ. Մու-
րադյանը:

Զեկուցողն ամփոփեց միջկոմիտասայան-
շրջանի (ՄԻՍ Դ.), Կոմիտասի, նրա աշակերտնե-
րի և սովետական շրջանում հավաքված նյութի
արժեքն ու նշանակությունը: Նշելով լուսահա-
վաքման խնդիրները, Մուրադյանն ընդգծեց գի-
տաբաններն ավելի հաճախակի կազմակերպելու
և Հայաստանում ապրող ազգային փոքրամաս-
նությունների՝ քրդերի, ադրբեջանցիների, ռուս-
ների, հույների և ասորիների ժողովրդական
երաժշտության նմուշները զրառելու անհրաժեշ-
տությունը:

Պլենումի հաջորդ զեկուցումը նվիրված էր
«ՀՍՍՀ սահմաններից դուրս ապրող հայերի հայ-
կական ժողովրդական երաժշտությանը»: Այս
թեմայով զեկուցեց սոցիոլոգ հեղինակը Զեկուց-
ման մեջ շեշտվեց ՀՍՍՀ սահմաններից դուրս
ապրող հայերի ժողովրդական երաժշտության գե-
ղարվեստական ու գիտական մեծ արժեքը: Հարա-
տեկելով հայրենիքից հեռու, այդպիսի երաժշ-
տական նյութերը կարող են պատկերացում տալ
մեր անցյալի երաժշտական արվեստի տարբեր
ճյուղերի մասին: Դարեր շարունակ ենթարկվելով
հարևան ժողովուրդների արվեստի փոխադարձ
ազդեցությունների, դրանք բացահայտում են մեր
երաժշտության առավել կամ նվազ կայուն բնու-

րող գծերը, փոխազդեցությունների ձևերն ու միջոցները Այս առումով նշված նյութերը հետաքրքիր են թե՛ հայ և թե՛ ընդհանուր ընագիտության տեսության համար, ուստի արժանի են բազմակողմանի ու մեծ ուշադրության:

Արվեստաբանության թեկնածու Մ. Բրուսյանի զեկուցման թեման էր «Հայ ժողովրդական երաժշտության պրոպագանդայի հետ կապված պրոբլեմները»: Համեմատելով ժողովրդական երաժշտության տարածման գրավոր և բանավոր միջոցներն ու նվաճումները, զեկուցողը գտավ, որ այս ասպարեզում կան լուրջ թերություններ, որ երբեմն ժողովրդականի անվան տակ մասսայականացվում է վատ ճաշակի, էկլեկտիկ երաժշտություն: «Այս իմաստով,— ասաց նա,— անհրաժեշտ է ճշտել ինքնագործունեության նպատակը, ժողովրդական ստեղծագործության և պրոպագանդայի արվեստի փոխադարձ կապերը»:

Երաժշտագետ Զ. Թադևիշյանը ներկայացրեց «Հայ միջնադարյան հոգևոր երգերը Զավախքի ժողովրդական երաժշտական կենցաղում» թեման: Համեմատությունների միջոցով զեկուցողը շոշափեց հայ ժողովրդի կենցաղում տարածված մի շարք հին երգերի ոճական, կատարողական, պատմական և այլ հարցեր:

Քրդական երաժշտության և նրա զարգացման հետ կապված պրոբլեմները թեմայով զե-

կուցեց արվեստաբանության թեկնածու Ն. Զառուարին: Զեկուցման մեջ քննարկվեցին քրդական պրոֆեսիոնալ երաժշտության ստեղծման հարցերը, որոնց կարևոր նախապայմանն են բանագիտական աշխատանքների ընդլայնումն ու կադրերի պատրաստումը:

«Նորագույն շրջանի հայկական կոմպոզիտորական արվեստը և հայ ժողովրդական երաժշտությունը» թեմայով զեկուցեց արվեստաբանության թեկնածու Ն. Թադևիշյանը: Նա հայկական նորագույն պրոֆեսիոնալ կոմպոզիտորական արվեստը ներկայացրեց որպես մի զարգացող պրոցես, որը սկիզբ առնելով (XIX դ) տարբեր ստեղծագործական անհատական ոճերից, կենտրոնացավ և բյուրեղացավ ազգային ոճի հայտնաբերման կետում (կոմիտաս), որտեղից սկսեց ճառագայթաձև նոր զարգացում՝ դեպի ստեղծագործական տարբեր ժանրեր ու անհատական ոճեր, հասնելով պրոֆեսիոնալ ավելի բարձր մակարդակի:

Քննարկումներին մասնակցող մասնագետները բարձր գնահատեցին պլենումի նշանակությունը, նշեցին նման պլենումներ այլ հանրապետություններում ևս անցկացնելու անհրաժեշտությունը:

Մ. Բ. ՄԱՆՈՒԿՅԱՆ
Արվեստագետության թեկնածու